



山海經釋義卷之十四

晉 河東郭 璞景純父 著傳

王崇慶德徵父 釋義

明 澶淵 董漢儒學舒父 校訂

大荒東經第十四

東海之外大壑

詩含神霧曰東注無底之谷謂此壑也離騷曰降土大壑

少昊

之國

少昊金天氏帝摯之號也

少昊孺帝顓頊于此

孺義未詳

棄其

琴瑟

言其壑中有琴瑟也

有甘山者甘水出焉生甘淵

水積則成

淵也

海內海外即大荒在矣而又列大荒與故知大  
荒寓言也故寓言當以意而會也即如少昊在  
上古都我中夏非海外也而何嘗生帝顓頊於  
是夫琴瑟樂之雅也正人之况也甘水甘淵苦  
之反也小人之情也故君子不可不近也是琴  
瑟之不可去也舍是而用小人其何以訓故曰  
棄其琴瑟

大荒東南隅有山名皮母地丘

東海之外大荒之中有山名曰大言日月所出有

波谷山者有大人之國晉永嘉二年有鷺鳥集于始安縣南廿里之鷺陂中

民周虎張得之木矢貫之鐵鏃其長六尺有半以  
箭計之其射者人身應長一丈五六尺也又華州  
別駕高會語云倭國人嘗行遭風吹度大海外見  
一國人皆長丈餘形狀似胡蓋是長翟別種箭殆  
將從此國來也外傳曰焦僥人長三尺短之至也  
長者不過十丈數之極也按河圖玉版曰從崑崙  
以西北九萬里得龍伯國人長三十丈生萬八千歲  
而死從崑崙以東得大秦人長十丈皆衣帛從此  
以東十萬里得中秦國人長一丈穀梁傳曰長翟身橫  
九畝下其頭眉見於軾即長一丈人也秦時大人  
見臨兆身長五丈腳跡六尺準斯以言則此大人  
之長短未可得  
得限度也

聞之日出扶桑而此乃曰有山大言日月所出  
信哉其爲大言矣後世造荒唐以爲寓言如莊  
列固其尤也其斯之謂哉

有大人之市名曰大人之堂

亦山名形狀如堂室也大人時集會其上

作市肆也

有一大人踰其上張其兩耳

踰或作俊皆古躄字莊子曰踰于會稽也

既謂之市而又曰堂然則市道行國無政矣且  
謂踰其上張其兩耳夫小人而據高位方且肆  
其私察以爲毒尚足以爲治乎

有小人國名靖人

詩含神霧曰東北極有人長九寸殆謂此小人也

小人靖人也其刺惡者婉矣形之小大而論非  
旨也若夫以神爲人面獸身蓋亦傷之也

有滴

音譎

山楊水出焉

五臧以上論山水多源委太荒以下論山水多  
托喻故滴山楊水之出當有刺意

有爲國黍食

言此國中惟有黍穀也

使四鳥虎豹熊羆

使鳥非道也鳥而四且繼之虎豹熊羆用非其  
人又失其實也不可以爲國矣不然國有食黍

而用禽獸者與

大荒之中有山名曰合虛日月所出有中容之國

帝俊生中容俊亦舜字假借音也中容人食獸木實此國中自赤木

玄木其華實葉見呂氏春秋使四鳥豹虎熊羆

此謂大荒有山名合虎正類後世所謂子虛烏

有耳矣不然日月有幾既於大言乃又於合虛

出乎故觀日月所出而政出多門之戒至矣

有東口之山有君子之國其人衣冠帶劔亦使虎豹好讓也

讓也

大荒而有君子之國豈天地之秉彝貫六合與

觀曰其人衣冠帶劔謂貌君子而心小人常欲

中傷人耳不然衣冠帶劔吾恐其不在大荒也

有司幽之國帝俊生晏龍晏龍生司幽司幽生思

士不妻思女不夫言其人直思感而氣通無配合而生子此莊生所謂白鵠相視

眸子不運而感風化之類也食黍食獸是使四鳥有大阿之山

者

司幽言暗也帝俊生晏龍以下其辭不合於道

疑若有感而激矣食黍實鼠也食獸實獸也使

四鳥用禽也大阿之山勢莫可拔也不然大荒安有稱帝者然又曰不妻不夫亦恐言其失合配云耳

大荒中有山名曰明星日月所出

至是則日月所出之地凡二矣故聰明必有所寄而後天下之政出于一

有白民之國帝俊生帝鴻帝鴻生白民白民銷姓

黍食使四鳥虎豹熊羆

又有乘黃獸乘之以致壽考也

白民之國而有帝俊司幽之國而有帝俊中容

之國而有帝俊何帝俊之多也萬一誠有是則所謂帝堯之稱鳥獸之使恐亦不可不辯正而力革也况言出無稽本無是哉

有青丘之國有狐九尾

大平則出而為瑞也

有柔僕民是維

羸土之國

羸猶沃衍也

有黑齒之國

齒如漆也

帝俊生黑齒

聖人神化無方故其後世所降育多有殊類異狀之人諸言生者多謂其苗裔未必是親所產姜

姓黍食使四鳥有夏州之國有盖余之國有神人

八首人面虎身十尾名曰天吳

水伯

天吳重出

大荒之中有山名曰鞠陵于天東極離瞿三山日

月所出名曰析丹神人東方曰折單吁來風曰俊未詳

來風所處東極以出入風言此人能節宣風氣時其出入

至是則日月所出者凡四地且末以出入風繼

之其為托興何疑郭氏以為此人能節宣風氣

時其出入其無乃信物而不信理之徵與

東海之渚中渚島有神人面鳥身珥兩黃蛇以蛇踐

兩黃蛇名曰禺獬黃帝生禺獬禺獬生禺京即禺

禺京處北海禺獬處東海是惟海神言分治海而為神也

夫海天下之水皆歸焉謂海靈而有神誠有之

而以為黃帝生禺獬則亦可以辭外而會矣然

則有政者防閑不密以致繼托之未良是用權

日以移號今日以多途可懼也哉

有招搖山融水出焉有國曰玄股自髀以黍食使

四鳥有困民國勾姓而食有人曰王亥兩手操鳥

方食其頭王亥託于有易河伯僕牛河伯僕牛皆

也見汲有易殺王亥取僕牛竹書曰殷王子亥賓

郡竹書之君綿臣殺而放之是故殷王甲微假師河念有

于河伯以伐有易滅之遂殺其君綿臣也

易有易潛出為國于獸方食之名曰搖民言有易本與河

伯友善王甲微殷之賢王假師以義伐罪故河伯不得不助滅之暨而哀念有易使得替化而出化

為搖帝舜生戲戲生搖民海內有兩人此乃有易所化作也

名曰女丑即女丑之尸言其變化無常也然則一

觸感而寄迹矣范蠡女丑有大蟹廣千里也

自古惟有一舜此曰帝舜生戲戲生搖民我蓋

未之前聞也至若海內兩人之說女丑大蟹之

論則又有微意在泥文而求失之遠矣

大荒之中有山名曰孽搖顛羝上有扶木柱三百

里其葉如芥柱猶起高也有谷曰温源谷温源即湯谷

湯谷上有扶木扶桑在上一日方至一日方出言交會相代也

皆載于鳥中有三足鳥有神人面犬耳獸身珥兩青蛇

名曰奢比尸有五彩之鳥相鄉棄沙未聞惟帝俊

下友亦未聞也帝下兩壇彩鳥是司言山下有舜二壇五彩鳥主之

湯谷重出扶木即扶桑但謂一日方至一日方

出似言天有二日矣信然則民有二王也哉

大荒之中有山名曰猗天蘇門日月所生有壘音

民之國有綦音山又有搖山有醜音又有門音

又有門音



戶山又有盛山又有待山有五彩之鳥

猗天至門戶諸山恐大荒未有也狀權門而刺

小人婉矣後世太山水山皆此意與

東荒之中有山名曰壑明俊疾日月所出有中容

之國東北海外又有三青馬三騅馬蒼白雜毛為騅甘華

爰有遺玉三青鳥三騅視肉聚肉有眼甘華甘祖百穀

所在言自生也

至是則日月所出凡五地矣有國者尚攬權而

自強也哉若乃中容而又繼之曰中容豈天下

之道必以中庸為至而苟且姑息終非所以為

中乎

有女和月母之國有人名曰臯音宛北方曰臯來之

風曰狫音剡言亦有兩名也是處東極隅以止日月使無相

間出沒司其短長言臯主察日月出入不令得相間錯知影之短長

女和月母之國疑亦刺淫之辭謂止日月使無

相間夫日月之行蓋自然之運何俟人力君子

據理以照可也

大荒東北隅中有山名曰凶犁土丘應龍處南極

應龍龍有翼者也殺蚩尤與夸父  
蚩尤作兵者不得復上應龍遂住

地故下數旱上無復作雨者故也旱而為應龍之狀乃得大

雨今之土龍本此氣應自然冥感非人所能為者

考之應龍龍之壽者然曰殺蚩尤夸父則無稽

夫蚩尤黃帝所殺若夫夸父逐日化為鄧林又

不當重出為應龍所殺也易曰雲從龍風從虎

借使為龍狀而得雨則是為虎者亦可致風矣

乎

東海中有流波山入海七千里其上有獸狀如牛

蒼身而無角一足出入水則必風雨其光如日月

其聲如雷其名曰夔黃帝得之以其皮為鼓楹以

雷獸之管即雷神也人面龍身者楹猶擊也聲聞五百里以威天

下

流波之山入海七千里孰量之而孰見之又孰

為紀之夫以夔之獸若是宜未易以制而曰黃

帝得之為鼓以威天下小人而誤為用也聲色

未矣

山海經釋義卷之十五

晉 河東郭 璞景純父 著傳

明 澶淵 王崇慶德徵父 釋義

董漢儒學舒父 校訂

大荒南經第十五

南海之外赤水之西流沙之東赤水出崑崙山也有

獸左右有首名曰跖踢昔黜惕出有三青獸相并

名曰雙雙言體合為一也公羊傳所云

有阿山者南海之中有汜天之山赤水窮焉

于此

也山赤水之東有蒼梧之野舜與叔均之所葬也

均叔

商均也舜巡狩死于蒼梧而葬之商均因留死亦葬焉基今在九疑之中

爰有文貝

即紫

貝離俞

鳴久

即鷓鴣也

鷹賈

賈亦鷹屬

委維

即委蛇也

熊羆

象虎豹狼視肉

舜葬蒼梧嘗聞之矣商均從葬盖始見于此寓

言也

有榮山榮水出焉黑水之南有玄蛇食塵

今南方蚘蛇食

鹿亦此類

有巫山者西有黃鳥帝藥入齋

天帝神仙藥在此也

黃鳥於

巫山司此玄蛇

言主之也

黃鳥司蛇正黨邪也帝藥在山上移柄也南荒

而以玄論水在火上也小人其既濟矣乎

大荒之中有不庭之山榮水窮焉有人三身帝俊

妻娥皇生此三身之國

盖後裔所出也

姚姓黍食使四鳥

姚舜姓也

有淵四方四隅皆達

言淵四角皆旁通也

北屬黑水南

屬大荒

屬猶連也

北旁名曰少和之淵南旁名曰從淵

舜之所浴也

言舜嘗在此中澡浴也

帝俊說者以爲舜夫舜妻娥皇而生三身之國未之聞也而郭氏方以舜爲姚姓解之其舛誤甚矣况曰從淵爲舜所浴哉

又有成山甘水窮焉

甘水出甘山極此中也

有季禹之國顓

頊之子食黍

言此國人顓頊之裔子也

有羽民之國其民皆生

毛羽有卵民之國其民皆生卵

即卵生也

萬物之生也有形化有氣化夫民形化也故有夫婦而後有父子夫鳥氣化也故卵生孰謂大荒而有卵民之國哉至以季禹之國爲顓頊之

子當必有指而以爲誠然則吾未敢爾也

大荒之中有不姜之山黑水窮焉

黑水出崑崙山

又有賈

山汜水出焉又有言山又有登備之山

即登葆山群巫所從

上下者也

有惛惛

音如券契之契

之山又有蒲山澧

音禮

水出焉

又有隗山其西有丹其東有王又南有山漂水出

焉有尾山有翠山

言此山有翠鳥也

自不姜之山至翠山恐大荒未有也夫小人而

怙勢屹立牢不可拔是亦山而已矣况其多乎

斯人有感而婉可悲也已

有盈氏之國於姓黍食又有人方食木葉

盈民飽民而滿其欲者也夫飽民而滿其欲愚

莫大焉其斯以為愚乎凡士之不能報國愛民

皆所謂竊祿也去鼠竊幾何哉黍食之嘆宜矣

有不死之國阿姓甘木是

甘木即不死樹食之不老

自古皆有死而有不死之國乎夫以國而不死

則是肆欲而無復忌憚矣自以為是而阿順矣

甘言若醴喏不復入矣其斯阿性食甘之說乎

大荒之中有山名曰去瘞南極果北不成去瘞果

音如風瘞之瘞木詳

去瘞者去志也去志不果知進而不知退也亢

龍斯有悔矣故以南極申焉南極上九之况也

南海渚中有神人面珥兩青蛇踐兩赤蛇曰不廷

胡余

神名耳

有神名曰因因乎南方曰因乎夸風曰

乎民

亦有二名

處南極以出入風

有神人面宜常也珥蛇踐蛇反常道矣若乃不

廷胡余似不可理解郭氏以為神名是真以為

神矣况既曰有神而又曰有神無乃辭繁甚乎

有襄山又有重陰之山有人食獸曰季釐帝俊生

季釐故曰季釐之國有緡淵少昊生倍伐倍伐降

處緡淵有水四方名曰俊壇水狀似土壇因名舜壇也

重陰幽暗甚也有人食獸實獸也皆所以刺匪

人也夫始以帝俊而生三身之國此又曰帝俊

生季釐舜何生子若是衆乎故知刺匪人也

有載民之國為人黃色帝舜生無淫降載處是謂巫載

民巫載民盼姓食穀不績不經服也言自然有布帛不稼

不穡食也言五穀自生也種之為稼收之為穡爰有歌舞之鳥鸞鳥

自歌鳳鳥自舞爰有百獸相羣爰處百穀所聚

凡所謂舜蓋借舜發意大率刺淫讒亂之辭今

不可強而考也觀其盼姓之云則分人之姓也

食穀實孤也非其黨也非其黨故曰不服不然

既曰食穀而又曰不食穡乎

大荒之中有山名曰融天海水南入焉有人曰鑿

齒羿殺之射殺之也

羿殺鑿齒恐重出

有蜮山者有蜮民之國桑姓食黍射蜮是食蜮音或短

狐也似鼈含沙射人中之則  
病死此山出之亦以名云  
有人方扞弓射黃蛇  
也扞挽名曰蜮人

有宋山者有赤蛇名曰育蛇有木生山上名曰楓  
木楓木蚩尤所棄其桎梏  
蚩尤為黃帝所得械而  
殺之已摘葉其械化而

為樹也  
是為楓木  
即今楓  
有人方齒虎尾名曰祖  
音如

祖黎之狀之尸

有小人皆長三尺名曰焦僥之國幾往嘉穀是食

大荒之中有山名歿  
音朽  
塗之山青水窮焉  
音崑崙

有雲雨之山有木名曰樂禹攻雲雨  
攻謂槎伐  
其林木有

赤石焉生藥  
言山有精靈復變生  
此木於赤石之上  
黃木赤枝青葉

羣帝焉取藥  
言樹花實  
皆為神藥

有國曰顓頊生伯服食黍有馳  
音如橘  
姓之國有

茗山又有宗山又有姓山又有壑山又有陳州山

又有東州山又有白水山白水出焉而生白淵昆

吾之師所浴也  
昆吾古王者號音義曰昆吾山名  
谿水內出善金二文有異莫知所

辨測有人名曰張弘在海捕魚海中有張弘之國

或曰即奇肱人疑非  
食魚使四鳥有人焉鳥喙有翼方捕魚

於海



大荒之中有人名曰驩頭鯨妻士敬士敬子曰炎

融生驩頭驩頭人面鳥喙有翼食海中魚杖翼而

行翅不可以飛倚杖之月行而已維宜芭芭音穆音楊是食管子說地

所宜云其種穆祀黑黍皆禾類也芭黑黍今字作秭旁起有驩頭之國

帝堯帝嚳帝舜葬于岳山即秋山也爰有文貝離俞鴟

久鷹賈延維視肉熊羆虎豹朱木赤枝青華玄實

有甲山者

大荒之中有山名曰天臺高山海水入焉

東南海之外甘水之間有羲和之國有女子名曰

羲和方日浴于甘淵羲和蓋天地始生主日月者也故啓筮口空桑之蒼蒼入

極之既張乃有夫羲和是主日月職出入以為晦明又曰瞻彼上天一明一晦有夫羲和之子出于

陽谷故堯因此而立羲和之官以主四時其後世遂為此國作日月之象而掌之沐浴運轉之于甘

水中以効其出入湯谷虞淵也所謂世不失職耳羲和者帝俊之妻生十

日言生十子各以日名名之故言生十日數十也

有盖猶之山者其上有甘相枝幹皆赤黃葉白華

黑實東又有甘華枝幹皆赤黃葉有青馬有赤馬

名曰三騅有視肉有小人名曰菌音如朝人有南

類之山爰有遺玉青馬三騅視肉甘華百穀所在

山海經釋義卷之十六

晉 河東郭

璞景純父

著傳

明 澶淵

王崇慶德徵父

釋義

董漢儒學舒父

校訂

大荒西經第十六

西北海之外大荒之隅有山而不合名曰不周負

子淮南子曰昔者共工與顓頊爭帝怒而觸不周之山天維絕地維絕故今此山缺壞不周而也

有兩黃獸守之有水曰寒暑之水水西有濕山水

東有暮山有禹攻共工國山言攻其國殺其臣相柳于此山啓筮口共

工人面蛇身朱髮也

不周山之說盖好事者為之不然山若彼其崇也人首幾何乃致山之缺與借使山之缺也乃致天柱之折地維之壞與况上古豈有爭也

有國名曰淑士顓頊之子言亦出自高陽氏也有神十人名

曰女媧之腸或作女媧之腹化為神處栗廣之野女媧古神女而

帝者人面蛇身一日中七十變其腹化為此神栗廣野名橫道而處言斷道也有人

名曰石夷來或作本風曰韋處西北隅以司日月之

長短言察日月有五彩之鳥有冠名曰狂鳥爾雅云狂

夢鳥即此也有大澤之長山有白民之國

顓頊之國始高陽而繼帝丘此曰有國名淑士

顓頊之子上古豈即分封如後世哉至曰有神

十人名女媧之腸橫道而處夫神陽也女媧既

亡斯陰矣陰則何以化為神也豈借此憤疾濁

亂如呂武云乎

西北海之外赤水之東有長脰之國脚長三丈有西周

之國姬姓食穀有人方耕名曰叔均帝俊生后稷

俊宜為嚳嚳第二妃生后稷也稷降以百穀稷之弟曰台爾生叔

均叔均是代其父及稷播百穀始作耕有赤國妻氏有雙山

后稷周始祖而曰帝俊生后稷且周至武王而有天下則后稷之父安得稱帝不然追王者太王王季已矣帝俊之名何為出也况帝俊屢見或以為舜或以為后稷父何言之舛也况叔均既以為商均而又曰后稷弟所生乎

西海之外大荒之中有方山者上有青樹名曰柎格之松木名日月所出入也

日東月西自然之理日則東出而西入月蓋借日為光而曰西海之外日月所出入何與雖然彼有所取也山上有樹乘高也日月出入專權也然則有國者當奈何剛健中正無使政出多門已矣

西北海之外赤水之西有先民之國食穀使四鳥

有北狄之國黃帝之孫曰始均始均生北狄有芒

山有桂山有榑山此山多桂及榑木因名云耳其上有入號曰

太子長琴顓頊生老童

世本云顓頊娶丁媵墳老童謂之女祿產老童也

童生祝融

即童黎也高辛氏正號曰祝融

祝融生太子長琴是

處搖山始作樂風

創制樂風曲也

有五彩鳥三名一曰皇

鳥一曰鸞鳥一曰鳳鳥有蟲狀如菟胸以後者裸

不見

言皮色青故不見其裸露處

青如猿狀

狀又似猿

民有古今以世有先後而曰海外有先民悖也

其謂有北狄國非妄而以爲黃帝之孫又可疑

焉孰謂黃帝之後而爲夷狄乎

大荒之中有山名曰豐沮玉門日月所入有靈山

巫咸巫卽巫盼巫彭巫姑巫真巫禮巫抵巫謝巫

羅十巫從此升降百藥爰在

群巫上下此山采之也

此十巫者一真而九誣夫以巫咸商賢臣也而

雜于九巫不亦誣哉

西有王母之山壑山海山

皆群大靈之山

有沃之國

言其饒

也沃民是處沃之野鳳鳥之卵是食甘露是飲凡

其所欲其味盡存

言其所願滋味此無所不備

爰有甘華甘相

白柳視肉三騅璇瑰瑤碧

璇瑰亦玉名穆天子傳曰枝斯瑤瑰

白木

琅玕樹色正白今南方有文木亦黑木也

白丹青丹

又有黑丹也孝經援神契曰王

者德至山陵而黑丹出然則丹者多銀鐵鸞鳥自別是彩名亦猶黑白黃皆云丹也

歌鳳鳥自舞爰有百獸相羣是處是謂沃之野有

三青鳥赤首黑目一名曰大鷲音黎一名少鷲一名

曰青鳥皆西王母所使也有軒轅之臺射者不敢西嚮射

畏軒轅之臺敬難黃帝之神

王母處玉山此疑重出夫沃野盖誇大之辭如

所謂鳳卵是食云者又曰凡其所欲其味盡存

故知其意有所諷非真為沃民發也噫此意行

而好大喜功之徒出安得不啓穆王之侈心哉

大荒之中有龍山日月所入有三澤水名曰三淖

昆吾之所食也穆天子傳曰滔水濁繇氏之所食亦此類也有人衣青

以袂蔽面袂袖名曰女丑之尸有女子之國王頎至沃沮國

蓋東界問其耆老云國人常乘船捕魚遭風見吹數十日東一國在大海中純女無男即此國也

女子之國或有之如元時八百媳婦國之說

有桃山有崑山有桂山有于土山有丈夫之國其國

無婦人也

有弇州之山五彩之鳥仰天張口名曰鳴鳥爰有

百樂歌儻之風爰有百種伎有軒轅之國其人人面蛇身

江山之南棲為吉即窮山之際也山居為妻吉者言無凶天不壽者乃

八百歲壽者數千歲

所謂江山南棲為吉正恐啓後世遷幸之說而

軒轅之國郭氏又以為人面蛇身甚哉其好異

也

西海諸中有神人面鳥身珥兩青蛇踐兩赤蛇名

曰弇茲

大荒之中有山名曰日月山天樞也吳姬天門日

月所入有神人面無臂兩足反屬於頭上名曰噓

言噓啼也顓頊生老童老童生重及黎世本云老童娶于根水氏謂之

驕福產重及黎帝令重獻上天令黎叩下地古者人神雜

乃命南正重司天以屬神命火正黎司地以下地

是生噓處于西極以行日月星辰之行次主察日月星辰

之度數次舍也

吾聞北辰天之樞矣未聞有山為天之樞也至

謂帝令上天下地尤無義理

有人反臂名曰天虞亦尸也有女子方浴月帝俊妻

常羲生月十有二此始浴之羲與義和浴日同有玄丹之

山出黑州也有五色之鳥人面有髮爰有青鳶音黃鵞

音青鳥黃鳥其所集者其國亡有池名孟翼之攻

顓頊之池孟翼人姓名也

反臂反而倍也天虞天生愚也女子浴月陰行也月生十二陰之極也故陰道盛則陽道衰也

若夫鳥名五色小人衆也集者國亡甚小人之亡國敗家也

大荒之中有山名曰鑿鑿鉅日月所入者有獸左

右有首名曰屏蓬即并封也語有輕重耳有巫山者有壑山

者有金門之山有人名曰黃矩之尸有比翼之鳥

有白鳥青翼黃尾玄喙奇有赤犬名曰天犬其所

下者有兵周書曰天狗所止地盡傾餘光燭天為流星長十數丈其疾如風其聾如雷其

光如電吳楚七國反時殃過梁國者是也

皆寓言也試求大荒安有此故山名日月所入

明塞也左右之獸比翼之鳥輔匪人也天犬所

下有兵無可奈何之辭也

西海之南流沙之濱赤水之後黑水之前有大山

名曰崑崙之丘有神人面虎身有文有尾皆白處



之言其尾以白為點駁其下有弱水之淵環之其水不勝鴻毛其外

有炎火之山投物輒然今去扶南東萬里有者薄國其山雖霖雨火常然火中有白鼠時出山邊求食人亡得之以毛作布今之火澣布是也即此山

之有人戴勝虎齒有豹尾穴處名曰西王母河圖亦曰西王母居崑崙之山西山經曰西王母居玉山穆天子傳曰乃紀名迹于弇山之石曰西王母

之山也然則西王母雖以崑崙之宮亦自有離宮別窟遊息之處不專住一山也故記事者各舉所見而

言之此山萬物盡有

王母重出而又曰穴處又曰有人戴勝何郭氏以為王母亦有離宮別窟不專住一山也其果

於造異樂於傳怪有如此者

大荒之中有山名曰常陽之山日月所入

日月升于天而入于地夫固常也而曰常陽之山為日月所入乎

有寒荒之國有二人女祭女穡或持匕或持俎

有壽麻之國呂氏春秋曰南服壽麻此懷關耳

南岳聚州山女名曰女虔女虔生季格季格生壽

麻壽麻正立無景疾呼無嚮言其稟形氣有異于人也列仙傳曰玄俗

景無爰有大暑不可以往言熱炙殺人也有人無首操戈盾

景無爰有大暑不可以往言熱炙殺人也有人無首操戈盾

景無爰有大暑不可以往言熱炙殺人也有人無首操戈盾

景無爰有大暑不可以往言熱炙殺人也有人無首操戈盾

景無爰有大暑不可以往言熱炙殺人也有人無首操戈盾

景無爰有大暑不可以往言熱炙殺人也有人無首操戈盾

立名曰夏耕之尸

亦形天尸之類

故成湯伐夏桀于章山

克之于章山

于章山名斬耕厥前頭亦在前者

耕既立無首走厥咎

逃避罪也

乃降于巫山

自竄于巫山巫縣今在建平巫縣

形立而影隨聲出而嚮應理也壽麻獨反是乎

聞之成湯伐夏桀于南巢此以為伐夏桀于章

山何或以夏桀疑即夏桀悲其不能盡君道於

始故有無首之喻則凡效桀者可以戒矣

有人名曰吳回奇左是無右臂

即奇肱也吳回視融弟亦為火正也

有盖山之國有樹赤皮枝幹青葉名曰朱木

或作朱威

木也

有一臂民

北極下亦有一脚人見河圖玉版

大荒之中有山名曰大荒之山日月所入有人焉

三面是顛頊之子三面一臂

無左臂也

三面之人不死

言人頭三邊各有面也玄菟太守王頎至沃沮國問其耆老云復有一破船隨波出在海畔邊上有

項項中復有面與語不解了不食而死此是謂

是謂

大荒之野

西南海之外赤水之南流沙之西有人珥兩青蛇

乘兩龍名曰夏后開開上三嬪于天

嬪婦也言獻美人于天帝

得九辯與九歌以下皆天帝樂名也開登天而竊

冥是與帝辯同宮之序是為九歌又曰不此天穆

之野高二千仞竹書曰顓頊產伯鯀是開焉得始

歌九招竹書曰夏后

顓頊之子豈嘗三面至以夏后開上三嬪于天

及得九歌以下尤為穿鑿求之古人文王用其

臣而貢美人于紂以脫姜里蓋亦巨子急君父

之難非得已也而曰上三嬪于天豈有是哉然

後知開筮竹書之傳亂道惑世莫此為甚噫此

豈其流派也與

有互人之國人面魚身炎帝之孫炎帝神農名曰靈契音如

契之靈契生互人是能上下于天言能乘雲雨也有魚偏枯

名曰魚婦顓頊死即復蘇言其人能變下也風道北來天

乃大水泉言泉水得風暴溢出道尤從也蛇乃化

為魚是謂魚婦顓頊死即復蘇淮南子曰后稷龍

復蘇其半為魚蓋謂此也有青鳥身黃赤足六首名曰觸音鳥

有大巫山有金之山西南大荒之中隅有徧勾常

羊之山按夏后開即啓

此跡互人乃炎帝之孫猶尤北狄爲黃帝之孫  
稽亂道誤人宜無聽信至以魚婦顛項死而復  
蘇則又恐無是矣然則徧勾常羊亦何指哉

山海經釋義卷之十七

晉 河東郭

璞景純父

著傳

明 澶淵

王崇慶德徵父

釋義

董漢儒學舒父

校訂

大荒北經第十七

東北海之外大荒之中河水之間附禺之山帝顛

項與九殞葬焉

此皆殊俗義所作冢

爰有鷓久文具離俞鸞

鳥凰鳥大物小物

言備有也

有青鳥琅鳥玄鳥黃鳥虎

豹熊羆黃蛇視肉璿瑰瑤碧皆出衛于山在其山邊也

丘方圓三百里丘南帝俊竹林在焉大可為舟言

林中竹一節則可以為船也竹南有赤澤水水色赤也名曰封淵封亦

大也有三桑無枝皆高百仞丘西有沉淵顓頊所浴

有胡不與之國一國復名耳今胡夷語皆通然烈姓黍食

海之外復有河與顓頊九嬪葬海外與竹大乃

至可為舟與多禽異獸既在海外乃出而衛其

山與故嘗疑所謂大物小物皆殉葬之具也借

顓頊而發也夫秦以後宮而殉葬凡一時異寶

皆出焉禽中有鸞鳥鳳鳥青鳥琅鳥玄鳥黃鳥

獸中有虎豹熊羆等物南有赤水有三桑樹無

枝高有百仞北海之外尚有異物不可測也

大荒之中有山名曰不咸有肅慎氏之國今肅

慎國去遼東三千餘里穴居無衣衣猪皮冬以膏

塗體厚數分用却風寒其人皆工射弓長四尺勁

疆箭以楛為之長尺五寸石青為鏑此春秋時隼

集陳侯之庭所得矢也晉太興三年平州刺史崔

恣遣別駕高會使來獻肅慎氏之弓矢箭鏃有似

銅骨作者問云轉與海內國通得用此今名之爲  
挹婁國出好貂赤玉豈從海外轉而至此乎後漢  
書所謂挹婁國是也

有蜚蛭四翼有蟲獸首蛇身名曰琴蟲

蛇類也

有人

名曰大人有大人之國釐姓黍食有大青蛇黃頭

食塵有榆山有鯨攻程州之山

皆因其事而名物也

大荒之中有一大山名之曰衡天有先民之山又

有槃木千里有叔歟

音畜也

國顓頊之子黍食使四

鳥虎豹熊羆有黑蟲如熊狀名曰猎猎有北齊之

國姜姓使虎豹熊羆

山衡天勢回天也槃木千里不可拔也國曰叔

歟而曰顓頊子明繼統非正也昔者魯昏于齊

故齊女曰姜著家國之亂由奇貨也且人而使

獸古未有也然則秦任斯高淫暴以逞獨虎豹

熊羆云哉

大荒之中有山名曰先檻大逢之山河濟所入海

北注焉

河濟注海已復出海外入此山中也

其西有山名曰禹所積

石有陽山者有順山者順水出焉

導河積石重出凡天下事有順有逆故商書謂  
有言逆于汝心必求諸道有言遜于汝志必求  
諸非道言苦口有益阿順無補也方秦法之行  
毒如虎狼故偶語妖言之禁熾如烈火其順山  
順水之嘆所由發邪

有始州之國有丹山

此山純出丹朱也竹書曰和  
甲西征得一丹山今所在亦

有丹山丹  
出土穴中

有大澤方千里群鳥所解

穆天子傳曰北至廣原  
之野飛鳥所解其羽乃

于此獵鳥獸絕群載羽百車竹書亦曰穆王  
北往行流沙千里積羽千里皆謂此澤也

民之國

其人面體  
皆生毛

依姓食黍使四鳥禹生均國均

國生役采

一作  
來

役采生脩軫

音如單  
給之給

脩軫殺綽人

名帝念之潛為之國

潛密用  
為之國

是此毛民

呂不韋以陽翟大賈而默奪秦祚是潛為之國

也是以毛民而有國也依姓蓋昭昭矣不然均

國豈禹生毛民乃足為天念乎

有儋耳之國任姓

其人耳大下儋垂在肩  
上朱崖儋耳鏤畫其耳亦以放之也

禺號子食穀北海之渚中

言在海島中種粟  
給食謂禺疆也

有神

人面鳥身珥兩青蛇踐兩赤蛇名曰偶疆

大荒之中有山名曰北極天櫃海水北注焉有神  
九首人面鳥身名曰九鳳又有神銜蛇操蛇其狀  
虎首人身四蹄長肘名曰彊良亦在畏獸盡中  
謂神九首始之者雜也操蛇踐蛇所親悉邪也  
名曰彊良著強梁也

大荒之中有山名曰成都載天有人珥兩黃蛇把  
兩黃蛇名曰夸父后土生信信生夸父不量力欲  
追日追日景逮之於禺谷禺淵日所入也今作虞將飲河而  
不足也將走大澤未至死于此渴死應龍已殺蚩尤

又殺夸父上云夸父不量力與日競而死今此復云為應龍所殺死無定名觸事而寄明

其變化無方不可揆測乃去南方處之故南方多雨言龍水

相感故也又有無腸之國是任姓為人長也無繼子食魚繼亦

當作腎謂膊腋也共工臣名曰相繇相柳也語聲轉耳九首蛇身

自環言轉旋也食于九土言貪殘也其所歎所尼歎嘔猶噴吒尼止也

即為源澤言多氣力不幸乃苦言氣酷烈百獸草能處言畏之也

禹湮洪水殺相繇禹塞洪水由以溺殺之也其血腥臭不可生

穀其地多水不可居也言其膏血滂流成淵水也禹湮之三仞

三沮言禹以土塞之地陷壞也乃以為池群帝是因以為臺地



宜積土故衆帝因來在此共作臺

在崑崙之北有岳之山尋竹生

馬尋大竹名

夸父化鄧林矣而又曰夸父走大澤乎走大澤亦既死矣而又曰應龍殺之乎故知其有刺無疑是故沙丘之崩其未至而死與應龍殺之其漢代秦與南方處之南方多雨漢以火德王與除秦苛法王澤其深與若夫崑崙而又繼之岳山高也其漢高之隱名與不然是為舛辭

大荒之中有山名曰不旬海水入焉有係昆之山

者有共工之臺射者不敢北嚮言畏之也有人衣青衣

名曰黃帝女魃蚩尤作兵伐黃帝黃帝乃令應龍

攻之冀州之野冀州中土也黃帝亦教虎豹熊羆以與炎帝戰于坂泉之野而滅之

見史記應龍畜水蚩尤請風伯雨師縱人風雨黃帝

乃下天女曰魃雨止遂殺蚩尤魃不得復上所居

不雨旱氣在也叔均言之帝後置之赤水之北遠徙之也叔

均乃為田祖主田之官詩云田祖有神魃時亡之畏見也所欲逐

之者令曰神北行向水也先除水道決通溝瀆言逐之必

得雨故先見除水道今之逐魃是也

蚩尤請風伯雨師請于何人黃帝下天女曰魃  
吾未審天女若之何而下也是故其理悖謬其  
事荒唐吾何以觀之哉或曰黃帝殺蚩尤古有  
之矣至以蚩尤主鹽池為天神關羽所誅恐亦  
可疑因併及之

有人方食魚名曰深目民之國盼姓食魚亦胡類但眼絕

深黃帝時姓也

食魚實愚也方食始事之辭夫秦以無道出而  
孤立而望傳祚萬世可不謂愚乎深目之嘆固

已玄矣

有鍾山者有女子衣青衣名曰赤水女子獻神女也

大荒之中有山名曰融父山順水入焉有人名曰

犬戎黃帝生苗龍苗龍生融吾融吾生弄一作明

弄明生白犬白犬有牝牡言自相配合也是為犬戎肉食

有赤獸馬狀無首名曰戎宣王尸犬戎之神名也

犬戎之國重出然所謂黃帝生苗龍弄明生白

犬則知其言有在也是故龍君象也苗始也後

世亦以始皇為祖龍祖亦始也夫以始皇之亂

秦方且自以為聖弄明孰大焉或曰犬戎妻黃帝女蓋諱也

有山名曰齊州之山君山音潛山鮮野山魚山有

人一日當面中生一曰是威姓少昊之子食黍有

繼無民繼無民任姓無骨子食氣魚言有無骨人也尸子曰徐

偃土有筋無骨

秦至始皇而絕謂繼無無所繼也一日當面而

生明不能徧照也威姓劫萬姓以威也任姓任

其姓也無骨子無本根也反復刺也寓戒博矣

西北海外流沙之東有國曰中輪顓頊之子食黍

有國名曰賴丘有大戎國有神人面獸身名曰大

戎

賴丘為犬戎重出

西北海外黑水之北有人有翼名曰苗民三苗之民顓

頊生驩頭驩頭生苗民苗民百姓食肉有山名曰

章山

苗民重出而又誤祖顓頊且以有人有翼繼之

其著矣人而有翼是飛人也秦非類也百姓姓

雜也章山事章章也不然苗民豈顛頊後哉

大荒之中有衡石山九陰山洞野之山上有赤樹

青葉赤華名曰若木生崑崙西附西極其華光赤下照地有牛黎之

國有人無骨儋耳之子儋耳人生無骨子也

秦不能用賢以行先王之道故雖衡石程書未

有補焉茲衡石山之嘆所由發與不然大荒問

有衡石山及無骨人乎

西北海之外赤水之北有章尾山有神人面蛇身

而赤身長千里直目正乘直目目從也其瞑乃晦其視

乃明言視為晝眠為夜也不食不寢不息風雨是謁言能請致風雨

是燭九陰照九陰之幽隱是謂燭龍離騷曰日安不到燭龍何耀詩含神霧曰

天不足西北無有陰陽消息故有龍銜精以往黜天門中云淮南子曰長于委羽之山不見天日也

以燭龍目之開閉而為晝夜寓言若是屢矣秦

漢之興亡大畧可以覩矣有國之鑒戒亦已至

矣考之建平盖漢哀帝世劉向之孫曰龔者號

稱篤信而濟之博通盖漢史之尤出也其管領

是書果出先代宜有辯正或叅以已意亦當平

反而一時修撰如秀輩顧皆無聞焉是莊列寓

言之妄漢晉皆踵之與

山海經釋義卷之十七 終

山海經釋義卷之十八

晉 河東郭璞景純父著傳

明 王崇慶德徵父釋義

董漢儒學舒父校訂

海內經第十八

東海之內北海之隅有國名曰朝鮮天毒其人水

居 朝鮮今樂浪郡也天毒即天竺國貴道德有文書金銀錢貨浮屠出此國中也晉大興四年天

竺胡王 猥人愛人 猥亦 獻珍寶 愛也

海內之說已述之矣乃至是復以海內終篇何  
豈事物之未窮故又出而補其闕與朝鮮前所  
謂高麗國天毒恐別有意義郭氏以為即天竺  
國夫天竺在西域蓋漢明帝遣使迎佛骨之地  
此恐非

西海之內流沙之中有國名曰壑市

西海之內流沙之西有國名曰汜葉

流沙之西有鳥山者三水出焉

三水同出一山也

爰有黃

金璿瑰丹貨銀鐵皆流于此中

言其中有雜珍奇寶也

又有

淮山好水出焉

郭氏以流沙中有雜珍奇寶恐亦無據夫山藏

貨寶誠有之以為皆流于此是造物之不能盡

藏也其然豈其然乎

流沙之東黑水之西有朝雲之國司彘之國黃帝

妻雷祖生昌意

世本云黃帝娶于西陵氏之子謂之纍祖產青陽及昌意

昌意

降處若水生韓流

竹書云昌意降居若水產帝乾荒乾荒即韓流也生帝顓頊

韓流擢首謹耳

擢首長咽謹耳未聞

人面豕喙麟身渠股

渠車

網言躡脚也天

豚止

止取

洋子曰阿女生帝顓頊

世本云顓頊毋濁山氏之子名昌僕

韓流既為昌意所生固人也而何其形之異也  
按古史紀顓頊十歲而佐少昊父昌意此曰韓  
流取阿女生顓頊則是昌意為顓頊祖矣故盡  
信書不如無書

流沙之東黑水之間有山名不死之山即員華山

青水之東有山名曰肇山有人名曰栢高栢高

栢高上下於此至于天言翱翔雲天

不死之山吾未之聞也上下於山以至于天果

有之是舉世之所慕也吾未之見也郭氏以栢

高為仙豈其有好異之癖故與

西南黑水之間有都廣之野后稷葬焉其城方三百里蓋天

下之中素女所出也離騷曰絕都廣野而直指號爰有膏菽膏稻膏黍膏

稷言味好皆滑如膏外傳曰百穀自生冬夏播琴

播琴猶播殖鸞鳥自歌鳳鳥自舞靈壽實華靈壽木名

方俗言耳草木所聚在此叢爰有百獸相群爰處於

有枝節此草也冬夏不死

后稷一人之身而何葬之若是多與始曰大澤

今日都廣而又繼之膏菽膏黍又繼之曰百穀

自生則是后稷身後有是感通與夫農必力田

乃克有秋而曰五穀自生吾又恐其未有也

南海之內黑水青水之間有木名曰若木樹赤葉青若

木出焉有禺中之國有列襄之國有靈山有赤蛇

在木上名曰蜺音奕弱之奕蛇木食言不食禽獸也

木食之蛇盖有之然在清濁之間必若蚓而後

庶幾為廉

有鹽長之國有人焉鳥首名曰鳥氏今佛書中有此人即鳥夷

也

郭氏以為佛書中有此人即鳥夷是亦有之

有九丘以水絡之絡猶繞也名曰陶唐之丘陶唐堯號有叔

得之丘孟盈之丘昆吾之丘此山出名金也尸子曰昆吾之金黑

白之丘赤望之丘參衡之丘武夫之丘此山出美石神

民之丘言上有神人有木青葉紫英玄華黃實名曰建

木百仞無枝有九欂音斤斲之斲枝回曲也下有九枸音劬根盤

錯也淮南子曰木大則根權其實如麻似麻子也其葉如芒芒木似棠梨也

大皞爰過言庖義於此經過也黃帝所為言治護之也有窳窳龍



首是食人在若有青獸人面名曰猩猩能言

九丘建木荒遠莫考窵窵既曰為貳負所殺乃

復出而龍首食人與郭氏以為弱水中夫弱水

且不能負草芥而獨能沉浮窵窵吾又疑其未

可通也

西南有巴國今三巴是大皞生成鳥咸鳥生乘釐乘釐

生後照後照是始為巴人為之始祖有國名曰流黃辛

氏即鄴大也其域中方三百里其出是塵土言殷盛也有巴

遂山澠水出焉又有朱卷之國有黑蛇青首食象

即巴蛇也

巴陵所謂川蜀也後照為巴人始祖恐亦好事

者為之按太皞古之聖人類也而曰是始巴人

豈其偏安一隅獨外華夏與故知好事者為之

也

南方有顛巨人即梟陽也人面長臂黑身有毛反踵見

人笑亦笑唇蔽其面因即逃也又有黑人虎首鳥

足兩手持蛇方啗之

唇蔽其面當無復有見矣而又因即逃也有是

乎哉既曰黑人即人也即人則何以虎首而鳥足也故夫以異物而謂之人或謂之神皆荒唐說矣

有羸音盈民鳥足有封豕大猪也豨射殺之有人曰苗民三苗

也民有神焉人首蛇身長如轅大如車轂澤神也左右有首

岐頭衣紫衣冠旃冠名曰延維委蛇人主得而饗食之

伯天下齊桓公出田于大澤見之遊有鸞鳥自歌

鳳鳥自儻鳳鳥首文曰德翼文曰順膺文曰仁背

文曰義見則天下和言和平也又有青獸如菟名曰困

日如朝菌之菌狗有翠鳥有孔鳥孔雀也

苗民已迭書矣至如人首蛇身既謂之神而又

何可食也况蛇身而衣紫衣乎大率蛇身之云

多出禪家佛書如所謂梁武郗氏夫人化蟒蛇

之說宜好事者踵其妄而弗悟也且人主得賢

而脩身治可圖也而以食異蛇為霸天下之具

豈不妄甚矣哉

南海之內有衡山南嶽有菌山音芝菌有桂山或云衡山

有菌桂桂員似竹見本草有山名三天子之都一本三天子之鄣山

衡山三天子都重出

南方蒼梧之丘蒼梧之淵其中有九嶷音疑山舜之

所舜在長沙零陵界中山今在零陵營道縣南其山九谿皆相似故云九嶷

古者總名其地為蒼梧也北海之內有蛇山者蛇水出焉東入

于海有五彩之鳥飛蔽一鄉漢宣帝元康元年五

即此鳥也名曰翳鳥鳳屬也離騷曰駟玉虬而乘翳又有不距之山巧

倕葬其西倕去元巧工也

五彩之鳥飛蔽一鄉言多也郭氏引漢宣帝元

康元年五色鳥以萬數過蜀郡即此以是知鳥

獸之在天地間者多也然以宣帝而有此雖祥

亦異故為政論德之修否不問物之祥異

北海之內有反縛盜械帶戈常倍之佐名曰相顧

之尸亦貳負臣危之類伯夷父生西岳西岳生先龍先龍

是始生氏羌氏羌乞姓伯夷父顓頊師今氏羌其苗裔也

反縛之說恐古者墓中設為机巧變械以防伐

冢之術非真有盜之縛也好事者或即其偶然

之中遂以為博物之誇而不知其理所無也

北海之內有山名曰幽都之山黑水出焉其上有

玄鳥玄蛇玄豹玄虎黑虎名儵見爾雅玄狐蓬尾蓬叢也說苑曰

蓬狐文豹之皮

北水也水五行之始生也於色為黑然則玄固

黑也黑水而下有玄豹諸物吾信焉若夫世以

玄帝而建祠至為龜蛇之狀則失之遠矣

有大玄之山有玄丘之民言丘上人有大幽之國

即幽民也有赤脰之民滕邑下正赤色

北方蓋幽都於日為夜於時為冬書曰平在朔

易

有釘靈之國其民從膝已下有毛馬蹄善走詩含神霧

曰馬蹄自鞭其蹄日行三百里

炎帝之孫伯陵伯陵同吳權之妻阿女緣婦同猶

淫之也吳權人姓名緣婦孕三年孕懷身也是生鼓延音殊始為

侯三子名也鼓延是始為鍾世本云母句作磬鍾作鐘為樂風作樂之曲

制

炎帝神農也既稱伯陵其孫源流賢矣而有犯

人妻之說與人之生也必以十月故十者數之

偶地之屬也而有孕至三年者與凡此皆所謂

淫辭邪說君子弗信也

黃帝生駱明駱明生白馬白馬是為鯀即禹父也世本云黃

帝生昌意昌意生顓頊顓頊生鯀

郭氏既引世本黃帝生昌意昌意生顓頊顓頊生鯀則此所謂駱明白馬皆無據矣

帝俊生禺號禺號生淫梁淫梁生番禺是始為舟

世本云共鼓貨秋作舟

此以下皆原古人造器之所由始

番禺生奚仲奚仲生吉光吉光是始以木為車世本

云奚仲作車此言吉光明其父子共創作意是以互稱之

聞之古人觀轉蓬而造車豈即吉光與

少皞生般音班般是始為弓矢世本云牟夷作矢擇作弓弓矢一器作者

兩人於義有疑此言般之作是

易所謂弧木為弓剡木為矢蓋取諸睽恐與此

異

帝俊賜羿彤弓素矰彤弓朱弓矰矢名以白羽羽之外傳白羽之矰望之如荼

也以扶下國言令羿以射道除患扶助下國羿是始去恤下地之

百艱言射殺鑿齒封豕之屬也有窮后羿慕羿射故號此名也

言釋山海經 卷十八  
昇或云堯時此又以為帝俊時當未知何時人也且帝俊之名自大荒迄于海內諸篇重出喋喋竟無所據漢晉多儒又從而置之莫辯獨何與雖然理學莫宋之諸君子若乃亦未嘗及此豈亦有待與

帝俊生晏龍晏龍是為琴瑟

世本云伏羲作琴神農作瑟

郭氏以為伏羲作琴神農作瑟愚以為上古風氣未甚開音樂恐未有也且伏羲仰觀俯察初畫八卦以通神明以類萬物固渾渾噩噩時也

文字且未出奚有于琴而亦奚暇于瑟哉

帝俊有子八人是始為歌儻帝俊生三身三身生義均義均是始為巧倕是始作下民百巧

考之倕有巧思蓋舜臣歌舞古恐未然為民作百巧恐亦非古人意

后稷是播百穀稷之孫曰叔均是始作牛耕

始用牛犁

也大比赤陰

或作音

是始為國

得封為國

周以農事開國蓋始諸后稷

禹鯀是始布土均定九州

布猶敷也書曰禹敷土定高山大川

九州其來尚矣堯命伯禹治水因而分別九州以制貢且致百姓免于昏墊非創為九州也

炎帝之妻赤水之子聽訖生炎居炎居生節並節

並生戲器戲器生祝融祝融高辛氏火正號祝融降處于江

水生共工共工生術器術器首方顛頭頂平也是復土

穰以處一水復祝融之所也共工生后土后土生噎鳴噎

鳴生歲十有二生十二子皆以歲名名之故云然洪水滔天滔漫也

鯀竊帝之息壤以堙洪水息壤者言土自長息無限故可以塞洪水也開

筮曰滔滔洪水無所止極伯鯀乃以息石息壤以真洪水漢元帝時臨淮徐縣地踊長五六里高二丈即息壤不待帝命帝祝融殺鯀于羽郊羽山之郊

鯀復生禹開筮曰鯀死三歲不腐剖之以吳刀化為黃龍也帝乃命禹卒

布土以定九州鯀績用不成故復命禹終其功

有天地即五行具五行蓋氣之靈即神也不待

人也而此所謂祝融據其生人也而卒為火神

豈以其德宜南荒可主其氣故與后土之說亦

見禮經吾恐其猶夫祝融也書載殛鯀于羽山

蓋舜也而以為祝融殺者誤雖然邪說之行正

教之塞也故正教明邪說息矣

教之塞也故正教明邪說息矣

教之塞也故正教明邪說息矣

山海經釋義卷之十八 終

山海經釋義跋

嗟乎曲士嚙言以驚方寸達人  
大觀以格物  
晉郭景純氏學沂陰陽家故其  
揆辭多詭  
于道要之不可以為訓然竊稽  
載籍岐角  
山趾赤髮綠睛角端體甲牛尾  
馬蹄罔兩  
罔象畢方羴羊人物諸蝮君子  
亦間有所  
述大抵宇宙至闕造化變幻弗  
測厥亦徃  
來之理古人有言曰六合之外  
聖人存而



言卷山海經  
2  
不論六合之內聖人論而不議今觀端溪  
之釋竊思考亭夫子每於六經註述之暇  
楚詞農圃醫卜稗官小說亦罔不究竟斯  
殆天人之學豪傑之才也乎考亭端溪其  
道一而已矣讀斯集者當自得之

萬曆己未歲春月之吉貳生明龍巖山人  
瀘郡趙維垣書

山海經釋義跋



律